



UNIVERSITÄTS-
BIBLIOTHEK
PADERBORN

Universitätsbibliothek Paderborn

Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

Ad Lectorem.

urn:nbn:de:hbz:466:1-11463

Ad Lectorem.

BEnevole Lector, Basileam sacram in lucem
damus, non profanam, illamque scriptam
breui stylo narratione succinctâ, quæ historiæ
minimè necessarias lacinias præciderit, & lon-
giores evagationes consultò inhibuerit. Proin-
de, ne tua curiositas hic expectet Antiquitatum
copiam, quâ aliorum Authorum prolixitas tuam
exsaturare famem possit. Fateor tamen, jeiunam
hanc brevitatem inde quoque provenisse, quod
Antiqui Scriptores, præsertim verò primis sæcu-
lis & pauci & non satis accurati de quibusdam
Episcopis Basileensibus, præter solum ferè no-
men, aliud nihil memoriæ prodiderint. Propo-
siti nostri una fuit ratio ut huius Diccësis, Ec-
clesiastici præsertim viri, quibus ad manum gran-
diora non sint volumina, fortè etiam fastidium
creet spatiosa historiarum ubertas, magis neces-
sariam eorum notitiam eruditionemque accipe-
rent, quæ ignorare indecorum, scire pulchrum,
in familiaria verò colloquia inferre, pium sit,
utile prorsus, ac saluberrimum. Res quidem
Basileenses eruditè pertractavit Vrstisius, alios
secutus Authores: sed quia promiscuè habet sa-
cras & profanas, molestum erit illi, qui nonnisi sa-
cræ lectionis delectum exoptat. Deinde, cum
hic Author Germanico idiomate scribat, eius
Codex subservire non potest plerisq; in hac Dic-
cësi sacerdotibus, qui tantum Gallicè callent.
Accedit, quod eius narratio, quandoque minùs
pura fluat, velut aqua per vitiatum canalem tradu-
cta;

Etia ; potissimùm ubi agitur de mutatione Reli-
gionis, sacris ritibus &c. Alterum est, quod te
monitum velim, candide Lector, nos uti qui-
busdam subinde vocabulis, quæ licet vetustæ La-
tinitati haud satis consonent, receptæ tamen
loquendi consuetudini sint accommodatiora.
Alia verò diversimodè scribuntur ab Authori-
bus : quod & nos absque religione fecimus. Hu-
iusmodi sunt, Bisuntum, Bisuntium, Vesontio :
Bisuntinus, Bisontinus, Vesontinensis : Rauricus,
Rauracus, Rauricensis, Rauracensis, &c. Deni-
que Chronologiam subinde, propter rationes
utrimque pugnantes, non ita probari posse, ut
convincat. Si tua eruditio, quod fortè difficile
non erit, errores ostenderit, nostros perlubèn-
ter dedocebimur, te veritatis historicæ, quam se-
ctati, si non assecuti sumus, feliciorum Assertorem
venerabimur. Nævos etiam Typographicos,
quos ad libri calcem annotavimus, tua,
spero, condonabit huma-
nitas.

BASILEAE

